

Pali-uni temiTevang ti

Ma-aq a Bununtuza tu siduq a na heza in tu puntastusuqissuqissaba pensanan tu kathaana Tevang ti. Metas-a ka Bununtuza kun a, tis-uni tu tunlusqulusqu ka, mindaukdauk a sinpalasBunun a qalinga minvevi, ma-aq tu haiphaip in ti ka, tangus a Bubukun mudaan haan Takbanuaz, nopa minpapia in a tastulumaq tu bunun a, muqna tu haiphaip in ti ka, mudaan amin a Takibakha, uu ka mesnahaan Takibakha ka Takitudu mudaan sivevi, na lopa ang a Takivatan mudaan haan Takbanuaz, ma-aq nanu ka tupa-un tu Takibunuaz, lusqa tu ansansanun in tupa-un tu Takbanuaz.

Heza tas-a ka tupa-un tu Takupulan a, sive-un nai ta ka qalinga ki Istapang a, min-uni in lopa ko Istapang, paaq pu-un ma-aq a Bununtuza ka minnuum tu siduq tu, Takbanuaz, Bubukun, Takibakha, Takitudu, Takivatan, Takupulan kopa ta. Ma-aq nenkun a kamani-i ka qalinga mamaszang, uu tu tupa amin nenka tu Bununtuza dau.

Duuq maszang nenkun i duma dalaq siduq tu heza ekusnada-an, mesnahaan duma dalaq tunlusqu tungnahaan lopa ko tu dalaq ta? Ni-i ka Bununtuza kun mekusdazu tu siduq, heza katnul tupa tu na mesnahaan issia Toluu dalaq ta musbai munhaan Tevang ti tu dalaq, kat-iti in min-a-ia minmalalabas in. Heza ka tupa tu mesnahaan dau Huiliping ta mudaan

tunqatu medakis munhaan Tevang tu dalaq ti, uu tu lusqa nepi sinkatnul tupa, ni-i tu mamantuk, ma-aq a Bununtuza tu siduq un a nanu tu mesiqabasdengaz ang kathaana Tevang ti miqumis, hineza qabas a madadengaz a tinupa tu, ma-aq dau ka Bununtuza ka inihaan uqaqevanvali tu Ta-ina (tupa-un lopa ko tu Tenang) siin Luqa-ang ta, mopa minsuma in a Puut un tunlusqu munhaan Tevang ti ka, panahaan uqaqevanvali tu Ta-ina ta, heza ka panahaan Luqa-ang ta, paaq pu-un asbe-un a Bununtuza ki minpising inai ta ispapatazbunun tu qemangsut. Paaq pu-un matingna nenka musbai me-opa haan Lamungan, Lamta-u, Limpahud ta, ketbuntu ita, samuq is minmalalabas in a Puut un a kantulun i Bununtuza maqalavqalav, mapataz i Bununtuza, paaq pu-un tu haiphaip in ti ka, matingna ka Bununtuza me-opa haan antandingalan i Suzuksenka-an ta, i-ita in a Bununtuza malisvala miqumis i ni-i in a Puut maqtu so-ita mapataz i Bununtuza, melibuntu ka Bununtuza kat-ita. Ma-aq is pali-uni tu simaq a temiTevang ti ka, nanu tu sia ketnanu tu siduq a temiTevang ti.

論臺灣的主人

布農民族因遷徙的關係，語言慢慢有所變化。所以，布農民族分六群：巒群、郡群、卡群、卓群、丹群、蘭群等，他們的語言不太一樣，但都是布農民族。有人臆測布農族是從外地來，其實不然。曾有老人家說，布農族曾住西部平原的台南及鹿港，後來布農族往名間、南投、竹山等處，又往玉山附近定居，閩南人沒有辦法往高山去，布農族才能安居自那裏。所以，布農族耆老們認為原住民族原本就是臺灣的主人。